

# The Human Rights Centre Uganda

Moko Tam Wi Lok 53/144 ki i Kacokke Madit pa Dul ma loyo  
Wilobo (8/3/1999)

## Moko Tam Wi Lok 53/144 ki i Kacokke Madit pa Dul ma loyo Wilobo (8/3/1999)

TAM MA LWAK DUCU MYERO GUNGEE I KOM TWERO  
KI TIC MAPAT PAT, PA NGAT ACEL ACEL, PA DUL, PA  
JANG MIRI ME LOBO PI DONGO RWOM KACEL KI  
GWOKKO TWERO KI GUTI NYO TE ACAKKI ME BEDO  
AGONYA PA DANO I WILOBO

Acoli



**TROCAIRE**  
Working for a Just World

**Moko Tam Wi Lok 53/144 ki i Kacokke Madit pa Dul ma loyo  
Wilobo (8/3/1999)**

**Tam Ma Lwak Ducu Myero  
Gungee I Kom Twero Ki Tic Mapat  
Pat, Pa Ngat Acel Acel, Pa Dul,  
Pa Jang Miri Me Lobo Pi Dongo  
Rwom Kacel Ki Gwokko Twero  
Ki Guti Nyo Te Acakki Me Bedo  
Agonya Pa Dano I Wilobo**

---

**Moko Tam Wi Lok 53/144 ki i Kacokke Madit  
pa Dul ma loyo Wilobo  
(8/3/1999)**

**Twero ma gimiyo pi coc man © 2009**

Buk man gicoyo pi konyo jo ma gigwokko nyo gigengo nge twero pa dano, bene giromo kwanyo bute mo gitiyo kwede nyo gitwero kobone ducu, ka gingeyo ka ma ngec man oa ki iye ki bene ka gipwoyo lucoc magi



Plot 3327 (A) Kateeba Close  
Off Kironde Road, Muyenga  
P. O. Box 25638, Kampala-Uganda  
Telephone: +256 414 266186  
E-mail: [hrcug@hrcug.org](mailto:hrcug@hrcug.org)  
Website: [www.hrcug.org](http://www.hrcug.org)



## MUKWONGO

Yub man dul ma tiyo pi gwoko twero pa dano i Uganda kany (Human Rights Centre Uganda) aye gucako ki kony me lim ma oa ki bot TROCAIRE wek omed ngec ma konyo tic pa dano ducu ma tiyo pi gwoko twero pa dano i lobo man. Peko acel ma lutic ma gwoko twero pa dano ka acel ki dano mukenemapol tye kwede aye nok pa ngec i kom lok ma konyo wa i woro dok gwoko twero pa dano kacel ki konyo lutic pi twero pa dano wek guti tic gi labongo lworo mo. Man aye oweko Human Rights Centre Uganda ogonyo lok ma dul me wilobo omoko i kom lugwok twero pa dano (UN Declaration on Human Rights Defenders) i leb abic mapatpat ma i kin gi tye iye Ateso, Kiswahili, Luganda, Luo (Acholi ki Lango) ki Runyakitara ma ribo leb Runyankore, Rukiga ki Ronyoro-Rutoro)

Gen tye ni gonyo lok man i leb mapatpat obekonyo lutic pi twero pa dano me ngeyo twero gi kacel ki yo me gwoke i dog tic meg. Gen bene tye ni gonyo lok man obecuku cwiny dano ducu ma gitye ki miti ikom gwoko twero pa dano wek dano ducu i Uganda gubed ma nongo giworo dok gigwoko twero meg. kare ducu.

**Human Rights Centre Uganda**



## ACA KI

Inino dwe 9 me dwe me apar wie aryo me mwaka 1998 Kacoke Madit pa Wilobo Munote (United Nations General Assembly) obimoko lok ma tyero kamaleng twero kitic pa dano acel ki pa dul mapatpat makwako dongo ki gwoko twero mapatpat ma wilobo weng gumoko.

Lok man ma gimoko ni pe obedo cik ento gitito iye lok ma rwate ki cik ma con wilobo gumoko pi gwoko twero pa dano. Cik ki lok man tye pi Konyo ki gwoko twero pa lutic kom twero pa dano

Lok man ryeyo kamaleng gin ma pir gi tek pi gwoko twero pa dano macalo twero me: rwate ki jo mukene pi tiyo gin ma mite; gure kacel labongo balo kuc; lok labongo lworo; nwongo lok ma imito ngeyo ne, tic ki diro me cik pi konyo dano, ki twero me kato ki nyamo lok mo keken manyen makemo twero pa dano.

Mwaka aparacel kulu dong okato nicake ma gimoko kwede lok man ento inongo ni i Uganda kany pud pe gingeyo dok pe gitiyo kwede lok man. Mite mada ni omyero lok man ginya ngec ne bot dano ducu, tutwale lutic pi gwoko twero pa dano kacel ki gamente ma omyero guket lok man i tic.

Miti pa dul man me *“Human Rights Centre Uganda”* tye me mino kony bot lutic kom twero pa dano ma



weko gonyo lok man i leb mapatpat bi mino dano mapol mapatpat ngec kom lok man ki konyo poko ngec ikom twero pa lutic kom twero pa dano I Uganda kany.

Lok ma gigonyo ni obedo gi tic ma dano ducu omyero guti kwede me gwoko ki dongo gwoko kuc,ki kwo pa lugwok twero pa danoma ka obedo kuman bimedo niang pa dano ducu igwoko twero pa dano i Uganda kany.



## **TAM MA LWAK DUCU MYERO GUNGEE I KOM TWERO KI TIC MAPAT PAT, PA NGAT ACEL ACEL, PA DUL, PA JANG MIRI ME LOBO PI DONGO RWOM KACEL KI GWOKKO TWERO KI GUTI ME BEDO AGONYA PA. DANO I WILOBO**

*Mok Namba 53/144 ma otime ki i Kacokke Madit ma obedo i nino dwe 8/3/1999*

*Kacokke Madit meno*

*Nwoyo tam pi neno ni gilubu lok ducu ma giketo i coc pa Dul Me Wilobo ma mako lok kom dongo rwom ki gwokko twero pa dano wa ki guti me bedo agonya pi dano ducu ma i wilobo,*

Lubu tam ma gimoko i kacokke pa Dul Me Wilobo i kare me 1997/8 me nino dwe 3/4/1998, ma bene twero nongnge i pot karatac pa dul nyo Kancil ma gingiyo lok kom, Lonyo ki Ber bedo pa dano, 1998 Supplement No.3 (E/1998/23) Chap.II, Sect A, ka ma Dul me Wilobo ma gineno lok kom gwokko twero pa dano gucwako dok bene gumoko tam ma onongo gunyamo ki i kacokkegi,ni wek lwak gungee lok kom twero ki tic pa ngat acel acel, pa Dul ma giketo pi konyo pi dongo rwom ki gwokko twero ki guti ma weko dano gibedo agonya iwilobo,



Lubu bene tam pa Dul nyo Kancil ma nyamo lok kom lonyo ki ber beda pa dano, i kare ma guyee i kacokke 1998/33 me nino dwe 30/7/1998, kun dong gucwako bene ni tam ma ginyamo i Kacokke Madit ni, myero giket i tic.,

Poyo wic pi ber pa moko tam ma rwatte ki kwero mwaka 50 ma yam gityero kwede ka maleng wek dano me wilobo kulu gungee pi twerogi, ma gimoko i wilok 217 A (111),

1. Oyee ni myero gimed coc man i kom maditte ma tye pi kare man, ma bene cimo ni lwak ducu myero gungee i kom twero ki tic mapat pat, pa ngat acel acel, pa dul, pa jang dul ma giketo me konyogi pi dongo rwom kacel ki gwokko twero ki guti me beda agonya pa.
2. Lwongo Miri, Dul mapat pat ma gityo tic me konyo lwak, ,kacel ki jang dul ma gitye i te loc pa Dul ma Loyo Wilobo, wa ki Dul mogo ma gitye ka ribbo kin Miri mapat pat kacel ki Dul ma pe gijengnge i kom Miri, wek gututte matek nyo wa ki dirogi ducu ,pi pokko ngec bot lwak wek gungee pi twerogi, ka bene gumed rwom me worre ki winynye i kin dani, pi woro twero ; ka bene dong kwayo Ladit Secretary-General (Karan madit me wilobo, wek orwak coc man me pwoonyo lwak pi twerogi, i coc ma bino ma mako



Gwokko Twero Pa Dano:Gurru kacel cik nyo dul  
mapat pat ma giketo pi konyo tic ma kit magi pi  
wilobo.

*Kacokke me 85*

*9/12/1998.*





## COC MA GIMEDO I KOM MADITTE

# **TAM MA LWAK DUCU MYERO GUNGEE I KOM TWERO KI TIC MAPAT PAT, PA NGAT ACEL ACEL , PA DUL, PA JANG DUL MA GIKETO PI KONYO DANO, PI DONGO RWOM KACEL KI GWOKKO TWERO KI GUTI ME BEDO AGONYA PA. DANO I WILOBO**

*Kacokke Madit,*

*Nwoyo* tam ma pigi tek, pi neno ni gilubu lok ducu ma giketo i coc pa dul me wilobo ma mako lok kom dongo rwom ki gwokko twero pa dano wa ki guti me bedo agonya pi dano ducu ma i wilobo,

*Nwoyo* bene lok ma pigi tek kit ma okatti kwede pi tam ma lwak ducu myero gungee i kom twero ki tic mapat pat, pa ngat acel acel , pa dul, pa jang dul ma giketo pi konyo dano, pi dongo rwom kacel ki gwokko twero ki guti me bedo agonya pa. dano i wilobo

Ka bene Cik mogo me wilobo ma mako Gwokko twero pa dano, ma gimoko ka bene gicoyo i dul wi'lok 2200 A (XXI), ma gimedo i kom karatac madit, wek obed calo tutte i wilobo kulu, pi medo rwom me woro ki lubu cik ma kwako lok kom gwokko twero, guti me bedo agonya, ki bene lok mogo mapat pat ma pigi tek ma lubbe ki gwokko twero pa dano, ma dul me



wilobo kombedi gitye ka tic kwedgi,ki mukene ma gitiyo kwedgi i kabedo mogo,

*Keto dic ni lumemba* me dul me wilobo myero gucobi,kacel nyo ngat acel acel twero cobo pire kene pi jingo cwiny me dongo ki bene cikkegi pi woro twero wa ki guti me bedo agonya pa dano ducu,labongo apokapoka mo keken, calo ma nongo pe gilubo lok me rok nyo rangi del kom,nyo apoka poka me bedo laco nyo dako, me leb mapat pat, lok me tekwaro,me wibye,,apoka poka me kaka,kit me nywal (lutino luk,kic ki mukene), ento myero myero onwoyo tam ma pire tek, pi winynye i kin dano nyo ribo dano ducu me wilobo weng pi gwokko cikke ma giketo i coc ma tye i Lok atyer ma giwaco i wilobo ,pi gwokko twero kit ma Dul ma Loyo lobo kulu gumoko kwede i cocgi ,

*Ka bene yee* nyo cwako ni winynye nyo ribbe i wilobo aye gin ma pire tek,pi tic pa ngat acel acel,dul,ki dog tic mapat pat,ma weko watwero kwanyo nyo kwero tim gero ma balo gwokko twero pa dano,ki bene turu guti me kuc pa dano nyo pa ngat acel acel, ma i kine tye iye tim me gero iyo maracu i kom dano lumuku, miyo pwod maracu akakaa ma lubbe ki apoka poka me rangi delkom, ma a ki i loc ma yam muni guloyo ki dano, nyo dic pa jo ma woko, nyo tim bura me keto lworu i kom lobo ki bene pe me miyo kare ki dano wek guti ki twerogi kit ma gimito ka bene wek



ngat acel acel, oniang ni lonyo ki jami ma Lacwec oketogi i lobo ni, tye bene i cinge,

*Kun wabedo ki cwiny me niang nyo cwako* ni wat ki ribbe i kin lobo mapat pat pi kelo kuc bot dano, ki neno ni gigwoko kuc ki bedo agonya pa dano ka bene yomcwiny ma dano tye kwede ni gitye ka gwokko twero kacel ki bedogi agonya, ka wic myero opoo ni ka kuc peke nyo ka pe gitye ka miyo tekcwiny, ka gwokko kuc, myero pe ginong yo mogo kwero ni pe obedo ticgi me gwokko twero ki kuc pa dano.

*Wanwoyo dok wamoko odoco* ni twero pa dano ki guti me kuc ki bedo agonya, kwako wilobo ducu, pe ngwekke i dul nyo pe pokke i dul matino tino, ribo kin dano ka nywako tam nyo tic kacel, dok bene kelo wat maber i kin-gi, ma myero gimed rwomme ocit anyim wek dano ducu guwirre kwede i kin-gi marom iyo muporre, labongo gwenynyo tyen lok me twero ki kuc ma kelo bedo agonya, wek odok marac nyo kilong ma balo te b twero ki bedo agonya pa dano,

*Waye* me neno ni tic me wi atii nyo mukwongo ma pire tek pi dongo rwom ki gwokko twero pa dano wa ki guti me bedogi agonya, tye i cing lutela Miri nyo Lobo,

*Wabedo ki niye ki niang nimeno obedo* tic pa ngat acel acel, ki tic pa dul mapat pat matino nyo madongo me dongo rwom woro twero pa dano ki bene tyero ngec



ma mako twero pa dano wa ki guti me bedo agonya i lobo mewa ki iwi lobo mapat pat ducu,

*Waketo tam magi atyer kamaleng, wek Lwak ducu gungee kuman:*

### **Tam ma gimoko me 1**

Ngat acel acel tye ki twero pire kene nyo kacel ki jo mukene, pi dongo ki bene tutte ka gwokko ki neno ni twero pa dano ki twero me bedo agonya tye i lobogi ki i kabedo ducu me wi-lobo.

### **Tam ma gimoko me 2**

1. Lobo acel acel tye ki twero wa ki tic madit me gwokko, dongo ki bene keto i tic yub ducu ma mako kwo pa dano ki bene wir nyo guti ma konyogi, pi bedo agonya, *ma i kin gi*, aye tic ki tam ma gimoko calo yo pi kelo kwo mabeco i kin dano, lok me lonyo, me wibye, ki yo mukene mapat pat, wa ki cik ma myero ogwok, ngat moni pire kene nyo kacel ki luwote, ma weko binongo kuc ki bedo agonya i yo ducu, ka gi ketogi i tic.
2. Lobo acel acel myero otii ki cik ma giketo, nyo ma giromo tic kwedgi pi loyo lwak, wa ki yo mukene kit ma gimito kwede, pi neno ni lok me twero ki bedo agonya ma gitito pigi i kare man bot dano ducu ni wek gin gungee ni, myero obed mucwiny dok bene matek.

### **Tam ma gimoko me 3**



Cik ma mako kop ma paco ma rwatte ki coc pa Dul ma loyo Wilobo ducu , wa ki coc mogo ma kwako kin lobo acel acel, ma ginywako i kin-gi, aye cik ma giketo pi tiro lok me gwokko twero kacel ki bedo agonya pa dano ducu ma myero giket i tic, wek dano gubed ki kuc ma nongo cwinygi opye mot labongo akalakala, kit ma gitito pigi atyer i kare man bot dano ducu pi dongo rwom, ki gwokko twero ki kuc, wek dano guniang ada ni meno kara twero ki lok me bedo agonya ma kelo kuc,mitte i kin dano.

#### **Tam ma gimoko me 4**

Pe tye coc mo doki mapat ma myero ogeng lok ma gimoko atyer i coc ma tye i karatac pa Dul me Wilobo pi Gwokko twero ma miyo ngec bot dano i kom twero ki bedo agonya i kin dano ma gumoko i kacokkegi. Lok mo mapat pe romo juko nyo kwanyo woko lok ma giketo i tam ma lwak ducu myero gungee i kom twero ki tic mapat pat,pa ngat acel acel , pa dul, pa jang miri me lobo pi dongo rwom kacel ki gwokko twero ki guti me bedo agonya pa. dano i wilobo<sup>1</sup>, kacel ki Yee ma pigi tek pigwokkotwero pa dano ma lobo mapat pat guribbe ka gukati kwede I wi'lok 2200 A (XXI)<sup>2</sup> ki bene cik ma dul mogo matino tino gitiyo kwede i kom gwokko twero pa dano.

---

a) 1-Gwokko Twero pa Dano

b) 2200 A (XXI)



## Tam ma gimoko me 5

Ki miti me dongo ki gwokko twero pa dano wa ki nyuttu guti me bedo agonya-gi, ngat acel acel tye ki twero pire kene nyo kacel ki lwak,i rwom me lobogi,nyo i kin lobo mapatpat,ma gutorre kacel :

- a) Wek gurwatte nyo gucokke ki kuc
- b) Wek gucaki, gudony nyo gunywak tic ki Dul mogo ma pe gijengnge i kom Miri, i kacokkegi ma ribo wii dano kacel, i kacokke nyo kabakkegi matino tino.
- c) Wek gutit tamgi ki dul mogo ma pe gijengnge i kom Miri, nyo bot dul pa Miri me wilobo nyo kacel kwedgi, i kacokkegi.

## Tam ma gimoko me 6

Ngat acel acel tye ki twero pire kene nyo kacel ki lwak,

- a) Me ngeyo, yenyo, nongo, gamo, ki bene bedo ki ngec i kom twero pa dano ,kacel ki guti me bedo agonya ma dano myero gubed kwede, medo ki donyo pa dano,ka ma ngec twero nonge iye kit ma gitye ka tic ki cik magi i kabedo mogo ma mako kop ma i iye, nyo ka cik ma gimoko i Ot Keto Cik, nyo cik ma mako ngat ma gicwale i nyim Langol Kop ka pido i kome. nyo kit ma luloc ma giloyo ki lwak ,wa ki yo mukene , ka tye gwokko twero ki kelo kuc nyo bedo agonya i kin dano.;



- b) Kit ma gimiyoy kwede bot dul mogo ma mapat pat ma gitiyo pi gwokko twero pa dano, ni gin myero guyub coc nyo buk, guniang, nyo gumii tam mukene, lok angeya ki ngec mapat pat i kom twero pa dano ducu wa ki bedo agonya;
- c) Ka bene gukwan nyo gunyam, dok gucak ki bene guket i tamgi lok ducu ma giromo neno-gi ki wang matut ma lubbe ki cik wa ki tic pi gwokko twero pa dano wa ki cwiny me bedo agonya ki kuc i yo ducu, wek opoo wii dano i kom twero ki bedo agonya ma myero obed i kin dano ducu..

### **Tam ma gimoko me 7**

Ngat acel acel tye ki twero pire kene nyo kacel ki lwak, pi katti ki tam manyen, mamitte pi dongo rwom, twero ki bedo agonya pa dano ki bene twero me nywak ki cato tam ma gi-kati kwede bot lwak, wek gunen ka ce tam manyen magi gitwero ye ni ber pi gin.

### **Tam ma gimoko me 8**

1. Ngat acel acel tye ki twero pire kene nyo kacel ki lwak, me donyo labongo apokapoka ka nywako tic i Miri me Lobone pi timo tic ma mitte pi konyo kwo pa dano
2. Ma i kin gi, tye lok kom twero, ma ngat acel acel romo timone pire kene, nyo kacel ki lwak, nyo jang dul mogo ma Miri ne oketo, nyo dul ma



guyubbe pi konyo lwak ma twero kwedo nyo nongo yo me konyo tic ki bene poyo wi dano i kom gigu mogo maracu, ma twero gengo dongo rwom, gwokko ki bene niang tyen lok me twero pa lwak kacel ki guti me bedo agonya i wilobo.

## **Tam ma gimoko me 9**

1. Ka watye ka tic ki twero wa ki niang te acakki nyo guti me bedo agonya ma kelo kuc, medo ki lok me dongo ka bene gwokko twero pa dano kit ma giwaco kwede atyer i kare man ma gimoko ni dano myero gungee pi twerogi pigi ken-gi nyo kacel ki lwak, wek gunong cul ki kony muromo ma gengo ngegi ka ce gi turu twero ma meggi.
2. Me neno ni lok ma itam man ocobbe, ngat mo keken ma gituru twerone nyo kuc me bedo agonya ma mere, romo lubu ngat meno ki cik, kadi bed ni pire kene, nyo kacel ki lwak, pi cwalo koko i nyim Langolkop nyo dul ma giwinyo koko pa lwak ma gituru twerogi nyo dul mukene ma gimiyo botgi twero, ma gitwero ma lubbe ki cik me neno ni giculu bal ma giketo i kom ngat ma tye ka kelo kokone inyingi ni, wek gitii ki dic i kom lutim bal pi culu gin ma gubalo nyo dano ma guwano komgi, labongo galle.
3. Ki dok me neno ni lok ma itam man ocobbe kakare, ngat acel acel pire kene nyo kacel ki lwak, tye ki twero me timo jami mapol, ma i kin-gi tye





iye magi:

- (a) Cwalo kokone i kom tam ki tim mogo me dog tic pa Miri ki bene tic pa dul mogo ma Miri oketogi ka ce guturu twero nyo bedo agonya pa dano man, kun nongo cwalo kokone ki yo me cwalo koko ma cik omoko ka dong gimiyo bot, bot Lungolkop, nyo bot dul mogo ma Miri ocimogi ni gucob lok i kom koko pa ngat mo keken labongo galle;
  - (b) Me bedo tye ka gitye ka winyo pido nyo koko pa lwak, wek guwiny kore ki kore kit ma gitye ka pido kwede ki kit ma langol kop ngolo kwede lok ka ce rwatte ki cik ma lobo nyo ma wilobo omoko ni gi-lubi ka gitye ka-winyo ki ngolo lok kom pido.
  - (c) Ka dyero nyo miyo jo ma gukwano cik, ma gitye ki ngec matut, wek gumii tam mabeco, nyo kony iyo me gengo nge twero pa lwak ki guti me bedogi agonya.
4. Me dok neno ni lok ma itam man ocobbe kakare dok, ma lubbe ki cik ma wilobo ma guribbe omoko, ngat acel acel tye ki twero pire kene, nyo kacel ki lwak, me rwatte ki me lok nyo me cwalo tam ma meggi bot dul mogo me wilobo mapat pat kadi bed ni dul meno gitye ki ngec ma kwako ducu nyo ma okemme ki tic pire, pi gwokko twero, niango dano kit e guti me bedo agonya,



ma romo kelo kuc i kin gi.

5. Miri nyo Lobo acel acel myero gukwed ka ce tyen lok tye ma cimo ni meno bal mo ma oturu twero ki bedo agonya otimme I kabedo ma tye i te locgi.

### **Tam ma gimoko me 10**

Ngat mo keken myero pe obed ka timo tic aranyi nyo kadi ka otemo atema keken , ento ongayo wange nyo onongo pe olarre, ka turu twero nyo balo kuc pa dano dok bene ngat mo pe gitwero miyo pwod nyo timo gigu maracu i kome ka ce okwero winyo dog jo ma gumito ni en ocit ka turu twero ki balo kuc pa dano.

### **Tam ma gimoko me 11**

Ngat acel acel tye ki twero pire kene nyo kacel ki lwak, me tiyo tic ma lubbe ki gin ma en okwano nyo tiyo tic ma en oyero, kit ma cik lobo mito. Ngat ma, tiyo tic ma lubbe ki kwan ma en okwano myero oti ticce kun tye ki woro ikom twero pa dano ki guti me bedo agonya pa dano dok bene myero olub dok owor cik me lobone ki ma wilobo omoko ma kwako lok me dog tic.

### **Tam ma gimoko me 12**

1. Ngat acel acel tye ki twero pire kene nyo kacel ki lwak, me tic kacel pi kelo kuc ki bene me lweny i kom tim mogo ma turu twero ki bene balo bedo agonya pa dano.



2. Miri myero gunen yo ducu me tic ki dul matino tino ma guketo pi gwokko twero pa dano ducu, kun nongo gitiyo ki ngat mo, nyo lwak weng, me jukko tim gero, bura, culu kwor ,kwero tam pa jo ma gicwalogi ka timo aranyi nyo pe, ka diyo nyo timo dano marac ki dog tic ma gicoyogi iye kun nongo gilubo tam ma giketogi pi gwokko twero,ki mukene.
3. Medo i kom meno, cik me Rok acel acel myero ogwok twero pa ngat acel acel, pire kene nyo ka oribbe ka tic kacel ki lwak pi kwero woko nyo jemo, ikom tim (ki) caro pa Miri ki tim gero pa ngat mo keken onyo dul mo ma turu twero pa dano, mot ki yo me kuc labongo tim gero, dok bene kit ma cik mito.

### **Tam ma gimoko me 13**

Ngat acel acel tye ki twero, pire kene nyo kacel ki lwak, ma romo penyo, gamo, ki tic ki lonyo ki gin ma mitte pi dongo, ki gwokko twero kacel ki guti me bedo agonya ki yo me kuc pa dano, ma lubbe ki Tam me 3 i Tam man ma gimoko pi gwokko twero (pa da).

### **Tam ma gimoko me 14**

1. Lobo acel acel gimiyiyo tic me neno ni giketo cik dok gimiyiyo twero bot Lungolkop, nyo gitimo gin mo keken muporre dok ma mitte pi medo ngec me niang bot dano ducu ikom twero ma



loyo lok me loc lobo, me lonyo, me ber bedo ki me tekwaro.

2. *Tic mogo ma myero Miri otim me dongo twero magi gin aye:*
  - (a) Nyamo tam wek gi-nge gin ma cik me lobo acel ki cik me wilobo tito ilok me twero pa dano dok bene tic me neno ni meno buk cik magi nongo gi me akwana obed yot bot ngat ma mito/bot dano ma gimito.
  - (b) Dano ducu myero gubed ki twero me nongo ki kwano labongo peko nyo gubed ki twero ma rom aroma ki jo mukene pi kwano karatac nyo Buk ma mako twero pa dano, ka ma nongo gicoyo iye ripot (ngec) ma a bot dul ma giketogi ki cik pi gwokko twero pa dano i wilobo, ma lobo ducu tye iye ma calo lumemba. I Buk magi bene tye iye dull macego cego ma ginyamo nyo ma lubbe ki tic ma meggi (nyo i Office)
3. Lobo nyo Gamente acel acel, myero, ka ma mitte iye myero omii kony muromo bot dul mo ma loyo lok kom twero pa dano, dul ma gimiyo tic me medo rwom kacel ki gwokko twero pa dano wa ki bedo agonya, i Adwol ma tye i te locce, man twero bedo dul ma gamente ocimogi me kwedo tic pa Miri (*Ombudsman*) nyo me loyo lok kom twero pa dano (Human Rights Commission), kadi mogo mukene ma Miri twero tic kwedgi pi



gwokko twero pa dano wek gunong kuc ki bedo agonya.

### **Tam ma gimoko me 15**

Lobo acel acel, (Miri nyo Gamente) gimio tic matek, me dongo rwom me twero pa dano iyi adwol ma mege ki dok bene me neno ni emio kony muromo pi konyo pwoyo lok kom twero pa dano kacel ki kit ma myero gubed agonya kwede i rwom ducu me kwan, dok pire tek me neno ni jo ducu ma ticgi tye pi pwoyo lukwan cik, lugwok cik, lumony, ki lutic pa Lwak, myero guket pwoyo me twero pa dano i kin jami ma gipwoyo ki lukwan gi.

### **Tam ma gimoko me 16**

Dano ducu, ki dul ma pe gijengnge i kom Miri kacel ki dul mukene ma tic-gi rwatte pi gwokko twero pa dano, gitye ki tic ma pigi tek me miyo ngec bot lwak i kom peny mogo ma mako twero pa dano wa ki bedo agonya kun gi-tiyo ki yo mapat pat, calo pwoyo i ot kwan nyo pwoyo diro tic mukene, kacel ki kwedo tyen lok ma lubbe ki twero wek jami magi omedde: ma i kin gi tye iye niang, matut i lok kom twero, ber pa ciro ki jalo lok, ber pa kuc ki ber pa wat mabeco i kin Lobo nyo dano ma rangi delkomgi pat pat, ma dinigi bene pat, kun nongo myero gukwed lok gupor dok guwor lok me tekwarogi nyo kabedo ma gua ki iye ka gitye ka timo tic ma kwakogi.



## Tam ma gimoko me 17

Ka tic ki twero nyo kuc ma mere me bedo i wilobo agonya, kit ma gimoko dok gi-tyero kwede ite Tam man, ci en bibedo ki twero magi liweng nikwanyo ka, ngat acel acel pire kene, nyo kacel ki lwak biromo tic ma lubbe ki cik ma kwako tic ma mitte i coc ma tye pi wilobo kulu; ento giketo cik wek dano ducu guniang matut ka bene guwor twero wa ki bedo agonya pa dano ,kacel ki kwo i yo maber ki mwolo nyo woro,lubu cik pa lwak ki bene nyutu kwo ma weko gibedo piny ka gimoko jami ducu ki yee pi konyo lwak ducu ma i kare mukene,gimoko ki bolo kwir.

## Tam ma gimoko me 18

1. Dano ducu, nyo ngat acel acel tye ki tic me miyo konyo bot kabedo ma en kwo iye ki bene bot lwak me kabedo meno, ka ma en bibedo agonya me tutte pi dongo kwone, kitte, ki bene yo maber me bedo i wilobo.
2. Ngat acel acel, dul, dul ma pe jenge ikom gamente, ki dul mapat pat ma calo gang kwan ki kabedo mogo me tic, gitye ki tic me gwokko loc alwak, dongo rwom me twero pa dano ki bedo agonya, ki konyo neno ni meno lobo ma wa bedo iye ni, omedo rwom ka bene oilo rwom me loc alwak ki loc maber i kabedo me tic ma patpat kacel ki loc maber i dul mapat pat ma calo gang kwan.



3. Ngat acel acel, dul, kabedo mogo me dog tic, dini, wibye ki mukene, kacel ki dul ma pe gijengnge i kom Miri gitye ki tic mapat pat, me konyo, kit ma mitte kwede, pi dongo rwom pa ngat acel acel i yo me kwo maber, ki bene lubu kit ma cik me wilobo mito kwede, wek cik nyo dul ma gityo i kom lok me twero pa dano wa ki bedogi agonya oniangnge maber.

### **Tam ma gimoko me 19**

Pe tye nyig cik mo ma gimoko i Tam man ma gibigonyo kilong pi miyo ngati mo nyo dul mo nyo lobo mo, twero me tiyo tic mo ma turo nyig twero mo keken ma kimoko ite cik ma i Tam man ma gityero kamaleng ni.

### **Tam ma gimoko me 20**

Pe tye Lok ma gimoko i Tam man ma gi bigonyo kilong wek omi lobo mo twero me cwako tic pa ngati mo keken nyo kor tic pa ji mogo ma guribbe, onyo kor tic pa jang dul tic pa Miri, nyo dul ma pe gijengnge i kom Miri ma pe rwatte ki cik ma Wilobo ka Guribbe ka guketo cing gi iye ni (*United Nations Charter*).



TAM MA LWAK DUCU MYERO GUNGEE I KOM TWERO KI TIC MAPAT PAT, PA NGAT ACEL ACEL, PA DUL, PA JANG MIRI ME  
LOBO PI DONGO RWOM KACEL KI GWOKKO TWERO KI GUTI NYO TE ACAKKI ME BEDO AGONYA PA DANO I WILOBO